



Elle båtnedoaktára luhtte

Liv Tone Boine
Govaid sárgon: Charlotte Helgeland



Ovllá bohtá mánáidgárdái. Son nuolasta olgobiktasiid ja doapmala geahččat leago Elle bohtán. Elle lea bardimin bihttáspealu.
- Ikte finai mu unnaoappáš bálnedoaktára luhtte. Son gal veaháš čierui, doamai Ovllá muitalastit.



- Mun galggan otne båtneodoaktára lusa. Mun gal in bala, dajai Elle. Don beasat sihkkarit mu fárrui. Moai jerre eatnis go bohtá mu viežžat, jotkkii son.

- Mun lean fitnan doppe ovdal, go ledjen unnit, mun gal in ballan, vástidii Ovlá.

Mánáidgárddis boradedje iđitborramuša ja go ledje geargan boradeames de manne bániid geallat.



- Galli áigge eadni boahttá? jearrala Elle mánáidgárddebargis go geargá bániid geallamis.
- Don galggat dohko beal 11 áigge. Gal eatnát boahttá hui fargga. Aiddo go bargi lea geargan dan dadjat de gullo eadni feaskkáris čuorvumin Elle.
- Amma oažžu Ovlá maid fitnat fárus, jearrala Elle eatnistis.
- Mun ferten jearrat Ovlá eatnis leago ortnegis, mun ringestan sutnje.



Nu manne Elle, eadni ja Ovlá bádnetdoaktára lusa.

Bátnedoavttirkántuvrras lea vuordinlatnja gos ferte vuordit dassáži go bátnedoavttir gohčču sisa. Lea amas hádja doppe. Feaskáris leat alit plastihkkasuohkut maid galgá coggat julggiide ovdal go manná sisa, amas sáddot ja duolvvat čuovvut skuovain bátnedoaktárstullui.

- Elle, gullui uksagaskkas. Bátnedoavttir bohtá Elle dáhttut sisa.

Elles čagalduhttá čoavjji. Ii son gal bala bátnedoaktáris muhto lea liikká veahá issoras. Eadni doallá Elle giedas, ja Ovlá čuovvu sunno.



Bátnedoavttir dáhttu Elle čohkkedit stullui. Son bonjasta ala šerres čuovgga Elle oaivvi bajil, dasto bidjá stuolu veahá veallut ja dan šerreš čuovgga bidjá báitit njálbmái.


Bátnedoavttir coggá gummehánskkáid ja njálmmi ovdii vel suoji. Gihtii váldá ártegis sákki mas lea unná roahkáš vel geažis.

- Cakkas njálmmi, dáhttu bátnedoavttir.

Elle caggá nu ollu go sáhtta. Lea gal veaháš issoras. Bátnedoavttir dead- dá ja iskka sákkiin Elle bániid ja dadjá: Gal dus leat čappa bánít. Dus lea okta unna ráiggáš. Dan gal fertejetne duoknat amas ii álgge bávččastit.

- Áiggotgo dál duoknat? jearrá eadni.

- In mun dál gal áiggo. Oažžubeahtti ođđa áiggi, ja de boahtibeahtti dalle.



- Lávetgo bániid geallat juohke beaivvi? Jearrala batnedoavttir Elles.
- De láven, vastida Elle. Eadni láve eahkedis veahkehit mu.
- Dat gal lea buorre. Muhtun ollesolmmoš galgáge mánáid bániid geallat juohke eahkeda, vastida batnedoavttir. Dalle bátnedoavttir bidja fas stuolu čohkkut ja de beassá Elle váljjet alces ovttá skeaŋkkaža go lea leamaš nu čeahppi.
- Gal don ledjet duostil, it čirron it veahášge, rábmui Ovllá Elle go sii vuoddjájedje mánáid gárdái.
- Muhto mun han galggan oktii vel dohko, duokŋat dan ráiggi. Das gal balan veaháš, dadjá Elle ja doallá stohkosa gieđas maid bátnedoaktáris lea ožžon.

